

Hues ta bati riba dede di Minister

No tin motibo valido pa retira e 5 miembronan di Raad van Toezicht di Lotto pa Deporte

ORANJESTAD (AAN): Diarazon mainta Corte di Husticia a dicta sentencia den e caso mas profundo cu Gobierno di Aruba a cuminsa contra Fundacion Lotto pa Deporte (FLPD) y e miembronan di e Raad van Toezicht: S.J., B.d S., A.K., F.F. y E.K.

Ta asina cu e Hues basicamente a confirma e decision tumada pa e Hues den e caso sumario cu anterior Gobierno a cuminsa pa kita e miembronan di Raad van Toezicht y laga esnan cu e Gobierno a nombra tumar. Hues ta haya cu no tin motibo valido pa e retiro y ta haya cu e minister a haci mal uso di su autoridad ey articulo 8 lid 2 di e estatutonan di FLPD ta dun'e.

PONE FIN NA NOMBRAMENTO POLITICO:

E caso aki ta data di Maart 2081 ora a cuminsa cu e caso mas profundo, despues cu Hues di Corte den Promer Instancia den e caso sumario a dicidi cu Gobierno no por duna retiro ya cu no tin motibo valido. Hues ta haya cu e miembronan di Raad van Toezicht mester keda y cu esnan cu a worde nombra nobo, tin cu



destrui e decision ey. Hues cu e decision aki, kier pone un fin na e nombramento politico cu mas bien ta un cultura aki na Aruba caminda cada biaha cu un Gobierno nobo sinta, esnan afilia na e partidonan den Gobierno ta haya funcionnan di confianza.

Den pasado caba, un Hues a yega di hala atencion di Gobierno cu gobernacion ta un continuidad y no por ta asina cu cada biaha cu un Gobierno nobo sinta ta bin cu nombramentonan politico.

EVALUACION:

E sentencia di Diarazon mainta ta hopi largo. Hues a dedica 19 pagina na e senten-

cia y DIARIO ta trece un resumen pa nos lectoran por compronde.

Hues ta muestra cu e miembronan di Raad van Toezicht (Raad) di FLPD ta haya cu e minister no tin base valido pa 3 Januari 2018 a tumar e decision di e miembronan di Raad mester tumar nan retiro. E miembronan di Raad ta pidi Hues pa destrui e decision di minister di 10 Januari 2018 pa nombra miembronan nobo pa e Raad van Toezicht.

Di parti di Gobierno ta worde muestra cu FLPD ta un fundacion di Gobierno y como tal e minister encarga, tin e autoridad pa nombra y retira e mi-

embronan di Raad cu e kier. Esey ta trece cu'n'e cu e decision tumada pa e minister pa cu e miembronan di Raad ta na cu lugar. Di parti di Gobierno a muestra cu na 2009, e Gobierno nobo cu a sinta a pidi e miembronan di Raad di e tempo ey pa tumar nan retiro, cual a sosode tambe.

Gobierno ta haya cu no por bira rond di e realidad politico na Aruba cu personanan afilia na e partidonan politico cu ta na manda, ta haya funcion di confianza.

NO TIN MOTIBO VALIDO PA RETIRO:

Hues ta muestra den su sentencia cu Gobierno no por muestra

cu no tin un bon relacion di cooperacion cu e miembronan di Raad y cu e miembronan di Raad lo ta stroba esaki.

Hues ta haya cu loke por compronde di henter e caso ta cu ta e minister, ta esun cu ta stroba e relacion di cooperacion entre e dos partidonan.

Hues ta haya cu e minister a duna retiro sin cu tin motibo valido pa esaki.

MAL USO DI AUTORIDAD:

Hues ta muestra cu e minister a haci mal uso si e autoridad cu articulo 8 lid 2 di e estatutonan di FLPD ta dun'e.

Hues a bisa cu e ta destrui e carta di retiro di 3 Januari 2018 di e 5 miembronan di Raad ya cu na opinion di Hues e nombramento di e 5 miembronan nobo di Raad no ta na su lugar y ta contra articulo 8 lid 1 di e estatutonan di FLPD.

SENTENCIA:

Hues su decision ta cu e ta destrui e retiro di 3 Januari 2018 di e 5 miembronan di Raad. Hues ta destrui e nombramento di 10 Januari 2018 di e 5 miembronan di Raad nobo. Hues ta ordena Gobierno pa paga e gastonan di e caso.